



奇姓通卷二 下平

肩龍

崔永均

專諸

年富

編意

還無社

阡能

賢政

權皋

緡桓

玄俗

堅鐔

千獻

牽招

駢恭

鮮思明

全琮

芊戎

前刺

連肩吾

偏呂張

泉仙

涓勳

弦高

縣房甥

仙源

延篤

銓徵

先軫

顛頡

乾思彥

塞揚

拳彌

淵歛

然子堪

宣秉

聯謙

天老

錢鏗

騫味道

監伯陽

嶠固

條攸

搖母餘

鄔單

鈇期

皋如

堯須

聊倉

要離

寥得

譙玄

毫康

鼂錯

刁閒

蒿賓

么謙

椒舉

寮允

霄略

瓢雄

漕中叔

操守經

稍騰漢

韶石

超喜

貂勃

雕延年

澆彘

橋仁

庶公

徭偉

朝景煥

昭奚恤

鈔秀

巢倚

茆志道

抄思

浚孔車

匏敏

膠倉

牢丘

招父

糟士奇

勞丙

桃豹

穆留

穆宗

高文光

繁延壽

渦尚

阿呵

苛異

佗羽

多軍

家鉉翁

地玄

荼恬

余起

蛇后

奢龍

巴蔓子

杞秀

夸父

瑕禽

鄜巴

花驚定

衙謹卿

芒卯

防廣

囊丸

光逸

狼暉

傷省

鄜埜

坊蒙

陽惠元

邛燦

印祗

魯左

香車

蕓清

涼茂

芳乘

香車

英肅

...

...

...

...

...

...

奇姓通卷三 下平

江陰夏樹芳茂卿輯

華亭陳繼儒仲醇校

肩龍

金史。肩龍字舜卿。宣宗初欲殺從坦。肩龍上書。謂坦有將帥材。願代死。詔問汝與從坦交分厚歟。肩龍曰。臣知有從坦。從坦未

嘗識臣從坦。寃諸臣不敢言。臣敢以死諍之。宣宗感悟。赦從坦。

崔永均

洪熙初。任光祿大夫。又崔璿。唐中書舍人。

專諸

刺客。吳公子光謀殺王僚。伏甲於窟而享。王使諸進炙魚。寘劍其中。刺之交胷。闔閭

以爲上卿。又吳越春秋。專諸謂公子光曰。凡欲殺人。君必先求其所好。吳王何好。光曰。好味。專諸曰。何味所甘。光曰。好嗜魚之炙也。專諸乃去。從太湖學炙魚。三月得其味。安坐待公子。命之。註。專諸。一曰鱒。設諸。年富。人。出。人。與。文。國朝名臣。見楊升庵外史。

編意

漢編意。穎川人。隱論出。人能與鬼神交通。

還無社

蕭大夫。春秋宣公十二年。楚子伐蕭。蕭潰。無社。因司馬卯號申叔展。目於晉井而拯之。左傳。還音旋。

阡能

唐印州牙官。

賢政

晉賢政。南涼樂都潰。諸城皆降。政固守不下。守節而亾。

權皋

唐天寶中舉進士。為臨清尉。安祿山欲置幕府。皋度其必叛。因獻俘京師。偽稱病卒。

未幾祿山果叛。玄宗擢拜監察御史。後客
洪州。屢徵不就。時人仰其高節。名入卓行
傳。

縉桓

河南固始人。正統間廣東都司指揮。姓苑
有縉氏。

玄俗

希姓錄。玄俗。河間人。賣藥都市。漢河間王
病瘕。買藥服之。下蛇十餘頭。遂愈。俗有形
無影。王乃呼俗日中看。實無影。王欲以女
配之。俗忽亾去。後人復見於恒山下。又世
本黃帝臣。有玄壽作鏡。

堅鐔

漢紀。堅鐔。字子伋。襄城人。從光武爲偏將。

軍以功封合肥侯。圖形雲臺。又國朝有
堅晟。秦州人。以歲貢知山東博平縣事。嘉
靖間。流賊弄兵。所在州縣望風披靡。守令
皆棄印綬逃去。公葺雉堞。礪戈鋌。督民兵
死守之。賊且至。公與妻子別曰。爲臣死。忠
我固甘心。死孝死節。汝輩當自計。毅然出。
乘鄣登埤。率衆固守。賊計窘。舉火燔城。風
大起。公頓地呼天。卒能反風滅火。賊遂逸
去。事聞於朝。晉秩賜金。民立忠義祠祀
之。

千獻

漢千獻。蜀郡都尉。見風俗通。

牽招

字子經。魏文帝時右中郎將。次子弘。猛毅

有父風。隨鄧艾伐蜀有功。拜振武護軍。在綿州築臺爲京觀以彰武功。又晉有牽秀。字成叔。有辯才。弱冠得美名。補新安令。賈謐二十四友。秀其一也。見潘岳傳。

駢恭

大名人。永樂中戶部主事。

鮮思明

蜀漢司空。國朝有鮮延年。知順慶府。以循吏稱。

全琮

字子璜。三國時人。父柔爲桂陽太守。嘗使琮將米數千斛入吳市。易價。琮悉以賑貧。柔更奇之。後仕吳爲奮威校尉。領東安太守。招集流竄。數月得萬餘人。加右大將軍。

芊戎

昭哀王時人。爲將攻楚。取新市。

前刺

五代時晉飛龍將。

連肩吾

唐人。著金英玉髓經十卷。又連久道。字可久。江湖得道之士。年十二能詩。父攜見熊

曲肱。賦漁父詞云。蘆花輕逐微瀾。蓬牕獨自清閒。一覺游仙好夢。任他竹冷松寒。後爲黃冠得道。往來西山。又國朝有連盛。成化進士。任御史。剛介方正。貴戚斂手。正德初。逆瑾擅權。抗直不附。瑾怒。流竄海南。

偏呂張

漢人。見急就章。楚之軍帥使主偏者。因以

爲姓。司馬法曰：車十五乘曰偏。呂張言心
呂之臣可張大王室也。

泉仙

字思道。豐陽人。世雄商洛。世襲本縣令。仙
年十二。鄉人詣州請仙爲縣令。雖童幼而
好學恬靜。百姓安之。性又清約。在縣五年。
每於鄉里運米自給。除洛州刺史。見北史。

涓勳

漢人。劾薛宣者。又齊人有涓子。

弦高

左傳。弦高。鄭商人。遇秦師於滑和。以牛十
二犒師。曰：敝邑爲從者淹。居則具。百日之
積。行則備。一夕之衛。且遽告於鄭。秦遂不
敢襲鄭。又左傳有弦施。弦多。

縣房甥

左傳有縣房甥。又晉有縣思。張方腹心之士。

仙源

長治人。紹定間。固安知縣。

延篤

字叔堅。博通經傳。桓帝拜爲議郎。與朱穆

等共著作。東觀。李文德曰。叔堅有王佐才。奈何屈千里之足乎。欲引進之。篤固辭。爲京兆尹。政用寬仁。先是邊鳳爲尹。亦有能名。三輔爲之語曰。前有趙張。後有邊延。旣卒。鄉里圖其形於屈原廟。所著有論銘等凡二十篇。

銓徵

漢捕羌校尉斬黃巾賊。

先軫

左傳。先軫。晉大夫。文公城濮之戰。軫謀居多。後入狄師。死之。狄人歸其元。面如生。封爲蒲城伯。子且居。晉襄公以三命將中軍。是爲霍伯。又唐有先汪。合江人。七歲日誦萬言。貞元中舉孝廉。尋退居安樂山。講九

經以明道。

顛頡

左傳。晉公子重耳奔狄。從者狐偃。趙衰。顛頡。魏武子。司空季子。及曹。僖負羈。自貳於重耳。乃饋盤餐。實璧焉。公子受餐。反璧。後重耳入曹。令無入僖負羈之宮。而免其族。報施也。魏犢顛頡怒曰。勞之不圖。報於何

有。熱僖負羈氏。魏犇傷於胷。公欲殺之。而愛其材。使問。且視之病。將殺之。魏犇束胷見使者曰。以君之靈。不有寧也。距躍三百。曲踊三百。乃舍之。殺顛頡以徇於師。

乾思彥

姓苑。唐乾思彥。性倜儻。褚遂良贈以詩。志氣百年內。平生一片心。欲交天下士。未面

巴虛襟。

拳揚

漢將。

拳彌

左傳。衛人翦夏丁氏。以其帑賜彭封彌子。彌子飲公酒。納夏戊之女嬖。以爲夫人。其弟期。大叔疾之從孫甥也。少畜於公。以爲

司徒夫人寵衰。期得臯。公使三匠久。公使
優狡盟拳彌而甚近信之。司徒期因三匠
與拳彌而作亂。皆執利兵。使拳彌入於公
宮而自太子疾之宮。譟以攻公。鄆子士請
禦之。彌援其手曰。子則勇矣。將若君何。不
見先君乎。君何所不逞欲。且君嘗在外矣。
豈必不反。當今不可。衆怒難犯。休而易間。

也。乃出。將適蒲。彌曰。晉無信不可。將適鄆。
彌曰。齊晉爭我不可。將適泠。彌曰。魯不足
與。請適城鉏。以鈎越。越有君。乃適城鉏。彌
曰。衛盜不可知也。請速自我始。乃載寶以
歸。

淵歛

齊大夫見世本。又宋有淵豐。紹興中循州

奇如通卷三
司馬。

然子堪

禹七大夫中人。又戰國時有然友。爲滕世子傅。

宣秉

字巨公。雲陽人。少修高節。王莽徵不至。光武初拜御史中丞。秉性儉約。所得俸祿。輒

散親族。後拜大司徒。子彪仕爲郎。虎南安侯。

聯謙

晉輔國將軍。

天老

漢書。天老。黃帝時七輔。受天錄。有天老雜子。陰道二十五卷。又漢有天高。爲長社令。

唐有天文。爲親軍指揮使。

錢鏗

世本。姓錢。名鏗。錢乃古翦字。虞翻云。名翦。封於彭。是爲大彭。以斟雉養性。事放勳。

騫味道

武后時爲青州刺史。又晉惠帝時。騫羆爲廣武將軍。

監伯陽

南北朝有監伯陽。頓丘董徵從之。受論語。毛詩。春秋。周易。又漢初有監居翁。

嶠固

魯人。高陽氏嶠牛之後。檀弓。季武子寢疾。嶠固不脫。齊衰而入。見曰。斯道也。將亾矣。士惟公門脫齊衰。武子曰。不亦善乎。君子

表微及其喪也。曾點倚其門而歌。注武子季孫夙也。世爲上卿。且專國政。不脫齊衰。示之凶而欲其死也。倚門而歌。示之吉而樂其死也。又漢有嶠彥冲。

條攸

安定人。晉司空殷賢人。七族有條氏。

搖母餘

功臣表。搖母餘封海陽齊信侯。以越隊將從破秦入漢。定三秦。以都尉擊項籍。侯千七百戶。姓譜作雙姓。王元美考入單姓。

鄒單

孔子弟子。史記鄒單字子家。鄒若堯反單音善。

鈹期

奇姓通 卷三
五
銚音姚。潁川邾人。期容貌絕異。矜嚴有威。爲鄧禹裨將。所至有功。光武封爲安成侯。生平重信義。自爲將。有所降下。未嘗擄掠。在朝憂國憂民。能犯顏諫諍。卒謚忠侯。子丹純俱爲侯。

皋如

越大夫勸勾踐伐吳。以天有四時。人有五

勝。進越。卒以滅吳。其後漢有皋伯通。有高行。梁鴻主其家。以賓禮待之。

堯須

晉堯須撰鷲擊錄一卷。又宋有堯允恭。字克遜。海陵人。景定咸淳。兩領鄉薦。宋亡。專意經傳。深得性命之理。江浙行省。兩檄充濂溪東川書院長。皆不赴。自號觀物老人。

大司農燕公嘗稱其古心絕俗清氣逼人
有詩文二十卷

聊倉

漢侍中著書號聊子

要離

吳越春秋吳公子光殛殺王僚憂其子慶
忌在隣國計於子胥乃進要離離曰吾詐

負臯出奔殺吾妻子且出怨言慶忌必信
乃行戮其妻子於市怨言聞於諸侯見慶
忌於衛言計而喜與之俱渡江中流欲順
風而刺慶忌慶忌顧而揮之三摔其頭於
水中乃加於膝上嘻嘻哉天下之勇士也
乃敢加兵刃於我左右欲殺之慶忌止之
曰此是天下勇士吾向者已辱椒丘訢豈

奇如通卷三
可一日而殺天下勇士二人哉。乃誠左右曰。可令還吳以旌其忠。於是慶忌死。要離渡江。至江陵。愍然不行。從者曰。君何不行。要離曰。殺吾妻子以事其君。非仁也。爲新君而殺故君之子。非義也。重其死。不貴無義。今吾貪生棄行。非義也。夫人有三惡。以立於世。吾何面目以視天下之士。言訖。遂

投身於江。未絕。從者出之。要離曰。吾寧能不死乎。從者曰。君且勿死。以俟爵祿。要離乃自斷手足。伏劍而死。唐有要珍。朔方大將軍。國朝有要繡。成安人。成化中。女爲憲廟妃。拜光祿丞。

寥得

閩中人。弘治舉人。

譙玄

漢書。譙玄。獨行之士。成帝朝。對策拜議郎。王莽時。不仕。公孫述。連聘不至。賜以毒藥。太守自齎書至玄廬。玄歎曰。保志全高。死亦何恨。又三國有譙周。耽古篤學。研精六經。官至光祿大夫。周有文武全才。志在恢復。所著有仇國論。五經論定。法訓古史考。

百餘篇。子秀。躬耕山藪。桓溫薦之。不應。

毫康

東漢甘陵人。女弟爲桓帝后。封安陽侯。

鼂錯

漢書。鼂錯著法家言三十一篇。

刁間

貨殖傳。齊俗賤奴虜。而刁間獨愛貴之。桀

黠奴人之所患。惟刁聞收取。使之逐魚鹽。商賈之利。或連車騎。交守相。然愈益任之。終得其力。起數千萬。故曰寧爵無刁。言能使豪奴自饒。而盡其力也。宋有刁約。字景純。丹徒人。宋寶元中。直史館。嘗使契丹。改判度支院。治平中。出知揚州。皓然有山林之志。乃挂冠而歸。作藏春塢。日游其中。

國朝有刁鵬。祥符人。永樂中。知荊州府。在任九年。門無私謁。囊無贏帛。凡所設施。厝置卓有條理。政教大行。軍民稱頌。

蒿賓

字大賓。滕縣人。嘉靖進士。

么謙

湯陰人。弘治中。爲通州訓導。

椒舉

左傳。楚子合諸侯于申。椒舉言於楚子曰。臣聞諸侯無歸禮以爲歸。今君始得諸侯。霸之濟否。在此舉也。夏啓有鈞臺之享。商湯有景亳之命。周武有孟津之誓。成有岐陽之蒐。康有艷宮之朝。穆有塗山之會。齊桓有召陵之師。晉文有踐土之盟。君其何

用。未幾。楚子示諸侯侈。椒舉曰。夫六王二公之事。皆所以示諸侯禮也。諸侯所由用命也。夏桀爲仍之會。有緡叛之。商紂爲黎之蒐。東夷叛之。周幽爲太室之盟。戎狄叛之。皆所以示諸侯汰也。諸侯所由弃命也。今君以汰。無乃弗濟乎。王弗聽。昭公四年。楚子以諸侯伐吳。圍朱方。克之。執齊慶封。

而盡滅其族。將戮慶封。椒舉曰：臣聞無瑕者可以戮人，慶封唯逆命，是以在此。其肯從於戮乎？播於諸侯，焉用之？王弗聽，負之斧鉞以徇於諸侯。使言曰：無或如齊慶封，弑其君，弱其孤，以盟其大夫。慶封曰：無或如楚共王之庶子圍，弑其君，兄之子麋，而代之以盟諸侯。王使速殺之，遂以諸侯滅

賴。遷賴于鄢，使鬬韋龜與公子弃疾城之而還。申無宇曰：楚禍之首，其將在此矣。

索允

後魏侍中。

霄略

韓非子。桓公解管仲之束縛而相之。管仲曰：臣有寵矣，然而臣卑。公曰：使子立高國

之上。管仲曰：臣貴矣。然而臣貧。公曰：使子有三歸之家。管仲曰：臣富矣。然而臣疏。於是立以爲仲父。霄略曰：管仲以賤爲不可以治國。故請高國之上以爲貧。不可以治富。故請三歸。以疏爲不可以治親。故處仲父。管仲非貪。以便治也。

瓢雄

太和人。正德中長陽尉。

漕中叔

游俠傳。自哀平間。郡國處處有豪傑。然莫足數。其名聞州郡者。馬領繡君。賓。西河漕中叔。皆有謙退之風。王莽居攝。誅鉏豪俠。名捕漕中叔。不能得。素善強弩將軍孫建。莽疑建藏匿。泛以問建。建曰：臣名善之。誅

臣足以塞責。莽性果賊。無所容忍。然重建不竟問。遂不得也。中叔子少游。亦以俠聞於世云。

操守經

浮梁人。嘉靖進士。任給事中。

稍騰漢

安定人。正德中任知州。

韶石

晉中牟令。長沙仙女韶氏。有鳳音亭。

超喜

漢太僕。宋紹定進士。超必熅。綿州人。

貂勃

國策。貂勃嘗惡田單曰。安平君。小人也。安平君聞之。故為酒而召貂勃曰。單何以得

臯於先生。故常見譽於朝。貂勃曰。踞之狗吠堯。非貴。踞而賤堯也。狗固吠非其主也。且今使公孫子賢而徐子不肖。然而公孫子與徐子鬪。徐子之狗猶將攫公孫氏之腓而噬之也。若乃得去不肖者而爲賢。狗豈特攫其腓而噬之耳哉。安平君曰。敬聞命。明日任之於王。王有所幸臣九人之屬。

欲傷安平君。相與語於王曰。燕之伐齊之時。楚王使軍將萬人而佐齊。今國已定而社稷已安矣。何不使使者謝於楚王。王曰。左右孰可。九人之屬曰。貂勃可。貂勃使楚。楚王受而觴之。數日不反。九人之屬相與語於王曰。夫一人身而牽留萬乘者。豈不以據勢也哉。且安平君之與王也。君臣無

禮而上下無別。且其志欲爲不善。內收百姓。尋撫其心。外懷戎翟。天下之賢士。陰結諸侯之雄俊豪英。其志欲有爲也。願王之察之。異日而王曰。召相單來。田單免冠徒跣肉袒而進。退而請死。臯五日。而王曰。子無臯於寡人。子爲子之臣禮。吾爲吾之王禮而已矣。貂勃從楚來。王賜諸前酒酣。王

曰。召相田單而來。貂勃避席稽首曰。王惡得此亾國之言乎。王上者孰與周文王。下者孰與齊桓公。王曰。吾不若也。貂勃曰。然。臣固知王不若也。然則周文王得呂望。以爲太公。桓公得管夷吾。以爲仲父。今王得安平君而獨曰單。且自天地之闢。民人之治。爲人臣之功者。孰有厚於安平君者哉。

而王曰單惡得此亾國之言乎且王不能
守乎王之社稷燕人興師而襲齊墟王走
而之城陽之山中安平君以惴惴之卽墨
三里之城五里之郭敝卒七千禽其司馬
而反千里之齊安平君之功也當是時也
闔城陽而王城陽天下莫之能止然而計
之於道歸之於義以爲不可故爲棧道木

閣而迎王與后於城陽山中王乃得反子
臨百姓今國已定民已安矣王乃曰單單
且嬰兒之計不爲此王不亟殺此九子者
以謝安平君不然國危矣王乃殺九子而
逐其家益封安平君以夜邑萬戶

雕延年

功臣表雕延年以匈奴王降封臧馬康侯

八百七十戶。

澆或

成化間以副總兵征松茂。謀勇過人。督率軍士搜羅山寨。夷人遠遜。至今威望猶存。

橋仁

從大戴學。注禮記四十九篇。號橋君學。小戴以博士論石渠。授禮記於梁人橋仁。楊

榮。由是有橋楊之學。漢武帝大鴻臚。又三國橋瑁。爲東郡太守。與袁紹起兵。討董卓。庶公

庶音息。風俗通。秦將庶王之後。庶公爲秦將軍。又漢有庶宣爲太守。

徭偉

更始將。鎮淮陽。東越王徭勾踐之後。

朝景煥

南北朝撰野人閒話六卷。又宋有諫臣朝夢玉。

昭奚恤

戰國策昭奚恤爲楚將。江乙惡之。楚昭王問羣臣曰。北方之人畏奚恤何也。江乙對曰。虎得狐欲啖之。狐曰無啖我。天帝令我

長百獸。若不信。隨我後以觀百獸避走。虎不知畏已。以爲畏狐。北方非畏奚恤。其實畏大王之甲兵也。猶百獸之畏其虎也。又史記楚懷王留于秦。太子爲質于秦。大臣欲立懷王子在國者。昭睢曰。王與太子俱困于諸侯。又悖王命而立其庶子。非法也。乃詐赴於齊。用計而歸楚太子。太子橫至。

立爲王。是爲頃襄王。

鈔秀

正德舉人。又鈔奇。嘉靖舉人。俱漳德人。

巢猗

南北朝撰尚書義十卷。尚書百釋三卷。又

宋有巢谷。字元修。眉山人。傳其父中學舉

進士。谷素多力。棄其業。學古兵法。游西邊

與河州將韓存寶善。後存寶坐辜歿。谷逃

避江淮間。會赦乃出。蘇軾蘇轍謫嶺海。谷

往循訪轍。又欲往海南訪軾。至新州病歿。

轍聞哭之。失聲曰。谷於朋友之義無所不

厚。惜不遇襄子。而前遇存寶。後遇予。兄弟

也。

茆志道

和州人。洪武初知洛陽縣。寬猛得宜。禁奸除暴。又茹欽。字宗堯。溧水人。歷官大理寺卿。

抄思

歸善人。永樂舉人。

汶孔車

史記。漢元朔中。主父偃拜齊相。乃使人言

齊王內有淫佚之行。齊王恐效燕王論死。乃自殺。趙王恐其為國患。即使人上書告偃受諸侯金。及齊王以自殺聞。上大怒。以為偃劫其王令自殺。乃徵下吏治偃。服受諸侯之金。實不劫齊王令自殺。上欲勿誅。公孫弘爭曰。齊王自殺。無後國除。非誅偃無以謝天下。乃遂族偃。偃方貴幸時。客以

千數及族。死無一人收者。惟獨浚。孔車收葬之。天子後聞之。以爲孔車長者也。

匏敏

漢山陽令。

膠倉

漢武時。與朱買臣嚴助。終軍。司馬遷之倫。皆辨知閎達。溢於文辭。

牢丘

漢儒林傳。又東漢有牢修。河內張成善風角。推占當赦。教子殺人。河南尹李膺督促收捕。竟案殺之。成弟子牢修上書告膺等。養太學游士。交結諸郡生徒。互相驅馳。共爲部黨。誹散朝廷。疑亂風俗。天子震怒。頒郡國逮捕黨人。然則黨錮之禍。蓋牢修肇

之也。

招父

晉太子圉為質於秦。秦歸河東而妻之。惠公之在梁也。梁伯妻之。梁嬴孕過期。卜。招父與其子卜之。其子曰。將生一男一女。招曰。然。男為人臣。女為人妾。故名男曰圉。女曰妾。及子圉西質。妾為宦女焉。又漢招猛。

元初中大鴻臚。

糟士奇

鳳翔人。嘉靖舉人。

勞丙

後漢人。又。國朝勞珙為戶科給事中。立朝侃侃。遇事敢言。嘗以直諫忤上。被責不少挫。士論高之。

桃豹

石勒嘗傭於武安。臨水爲遊軍所囚。會有羣鹿傍過。軍人競逐之。勒乃獲免。俄見一老父謂曰。向羣鹿者我也。君應爲中州主。故相救爾。勒拜而受命。遂招集桃豹。逮暉等八騎爲先驅。後勒僭號豹爲豫州刺史。

穆留

韓非子。韓宣王謂穆留曰。吾欲兩用公。仲公叔其可也。對曰不可。晉用六卿而國分。簡公兩用田成闞止而簡公殺。魏兩用犀首張儀而西河之外亾。今王兩用之。其多力者樹其黨。寡力者借外權。羣臣有內樹黨以驕主。有外爲交以削地。則王之國危矣。又漢功臣表。穆廣德。父樂。以校尉擊南

越。成事。封龍侯。

音多。漢人。

尚文光

公安人。母成氏。苦節。光善事之。孝養備至。

一試四川巴縣令。遂乞休歸。家居二十餘

年。矚然如一。嘗慕陶靖節之清風。所著有

擬陶詩。

繁延壽

漢御史大夫。又晉有繁欽。字休伯。以文章

機辯。少擅名於汝穎。又長於詩賦。其所與

太子書記。喉轉意率。皆成巧麗。繁音婆。

渦尚

漢人。扶風太守。

奇如通 卷三
三人阿呵

馬龍州人。隱巖谷。撰爨字。字如科斗。三年始成。字母一千八百四十號。

苛異

漢人。見印藪。

佗羽

漢人。姓佗。名羽。字公子。以游俠聞。國朝

有佗盛。永樂進士。容縣人。

多軍

功臣表。武帝時。以東粵將軍降於漢。封無

錫侯。邑千戶。

家鉉翁

宋眉州人。以廕補官。知常州。拜端明殿大學士。元兵次近郊。丞相吳堅賈餘慶檄告

天下守令以城降。鉉翁獨不署。文天祥女弟坐兄故繫奚官。鉉翁傾橐中裝贖出之。以歸其兄璧。鉉翁狀貌奇偉。身長七尺。被服儼雅。其學邃於春秋。自號則堂。又漢有家羨。

蚺玄

赫連勃勃南侵姚泓。遣建義將軍蚺玄距

却之。

荼恬

漢書。江都易王薨。未葬。嗣王建居服舍。召易王所愛美人淖姬等十人與姦。建女弟徵臣爲蓋侯子婦。以易王喪來歸。建復與姦。建異母弟定國具知建事。行錢使男子荼恬上書告建淫亂不當爲後事。下廷尉

治恬受人錢財爲上書論棄市。荼。音食邪反。
余起
宋銅陵人。一門義聚千三百餘口。子孫皆以科第顯。嘉靖隆慶中。余敬中毅中兄弟進士俱銅陵人。

蛇后

南北朝人。兄越滂。南安太守。

奢龍

管子。黃帝得奢龍而辨乎東方。以爲土師。得庸光而辨乎南方。以爲司徒。得大封而辨乎西。以爲司馬。得后土而辨乎北。以之李行。

巴蔓子

巴國人仕爲將軍。周末國亂，蔓子請師於楚，許以三城。楚以救巴，遣使請城。蔓子曰：「藉楚之靈，克濟禍難，誠許楚王，城可持。吾頭往謝，城不可得也。」乃自刎。使者以蔓子首報楚王。王曰：「使吾得臣如蔓子者，用城何爲？」乃以上卿之禮葬其首。巴亦舉其屍，以上卿之禮葬於施州。又東漢有巴肅，字

恭甫，漢議郎。與竇武、陳蕃等謀誅閹官。武等遇害，肅亦坐黨禁錮。乃自載詣縣令，曰：「爲人臣者，有謀不敢隱，有臯不逃刑。遂被害。」

杞秀

南北朝杞秀，西魏涼州刺史。

夸父

奇如通 卷三
周時人逐日揮戈。欲返日。踞谷道渴而死。植其杖。化爲鄧林。亦作陳史

瑕禽

左傳。王叔陳生與伯輿爭政。王叔之宰與伯輿之大夫瑕禽。坐獄於王庭。士甸聽之。王叔之宰曰。簞門圭竇之人。而皆陵其上。其難爲上矣。瑕禽曰。昔平王東遷。吾七姓

從王。牲用備具。王賴之。而賜之駢旄之盟。曰。世世無失職。若簞門圭竇。其能來東底乎。且王何賴焉。今自王叔之相也。政以賄成。而刑放於寵。官之師旅。不勝其富。吾能無簞門圭竇乎。惟大國圖之。下而無直。則何謂正矣。范宣子曰。天子所右。寡君亦右之。所左。亦左之。使王叔氏與伯輿合要。

廊巴

宋乾道間任福建路兵馬總管

花驚定

唐人花驚定膂力過人上元初段子章反

於蜀時崔光遠為成都尹驚定為牙將討

平之杜甫詩成都猛將有花卿學語小兒

知姓名國朝有忠臣花雲狀元花綸

衙謹卿

漢長平令衙謹卿七世同居又晉有衙傳

望為護軍都督

芒卯

秦昭王曰魏將如耳矣然魏齊孟嘗芒卯

孰賢左右對曰不如王曰以魏齊芒卯之

賢而不能攻秦今以無能之如耳率韓魏

伐秦其無奈真人明矣。又國朝有芒文
績臨川人。洪武間兩典文衡。為時所重。

防廣

漢棠邑人。為父報讐。母死哀傷不食。以孝

聞。

囊瓦

楚囊瓦為令尹。城郢。沈尹戌曰。子常必亾

郢。苟不能衛。城無益也。若敖蚡冒。至於武
文。士不過同。慎其四竟。猶不城郢。今士數
圻而郢是城。不亦難乎。

光逸

字孟祖。樂安人。初為博昌小吏。縣令使逸
送客。冒寒。舉體凍濕。還遇令不在。逸解衣
炙之。入令被中卧。令還大怒。將加嚴罰。逸

曰家貧衣單沾濕無可代若不暫溫勢必凍死奈何惜一被而殺一人乎令奇而釋之尋以世難避亂渡江依胡母輔之初至屬輔之與謝鯤畢卓等散髮裸袒閉室酣飲逸將排戶入守者不听逸便於戶外脫衣露頂於狗竇中窺之而大呼輔之驚曰他人決不能爾必我孟祖也遽呼入遂與飲大快不捨晝夜時人爲之入達晉中興爲給事中

秦 狼臆

晉人秦襄公求爲戎右不可襄公縛秦囚使萊駒以戈斬之囚呼萊駒失戈狼臆取戈以斬囚禽之以從公乘遂以爲右箕之役先軫黜臆而立續簡伯狼臆怒其友

曰盍歿之。暉曰：吾未獲歿所。其友曰：吾與汝爲難。暉曰：周志有之，勇則害上，不登於明堂，歿而不義，非勇也。子姑待之。及彭衙，旣陳，以其屬馳秦師，歿焉。晉師從之，大敗秦師。

傷省

宋國人見左傳。

鄺埜

一統志：鄺埜，字孟質，永樂進士，拜監察御史。正統進兵部左侍郎。乙巳秋七月也，先深入逼近畿輔。上親征，出居庸關。埜扈從乘馬，以馬革囊尸自誓。是月壬寅，次萬金峪。是夕金星犯亢。甲辰，次懷安。是夕黑氣四塞。丙午，次陽和。是夕火星犯土。王振迫

奇始通 卷三
挾進兵虜踵至。桀上言請疾驅入關。嚴兵爲殿。振怒曰。汝腐儒安知兵事。再言必死。桀曰。我爲社稷生靈極言。胡爲以死懼哉。因與戶部尚書王佐相對泣。帳中。明日師潰。桀死之。年六十五。贈少保。諡忠肅。鄺音荒。

坊蒙

國朝坊蒙。徐州人。洪武中。休寧縣丞。

陽惠元

唐平州人。爲西涼兵馬使。朱泚反。自河朔赴難。解奉天圍。加檢校工部尚書。李懷光反。血戰而死。

邴燦

南北朝邴燦。南唐人。登進士第。

印紙

漢御史大夫見功臣表。又有印疏。周封史也。能行氣練形。煮石髓而服之。謂之石鐘乳。至數百年。往來入太室山中。有卧石藏枕焉。讚曰。八珍促壽。五石延生。印數得之。鍊髓餌精。人以百年。我享千齡。寢息中嶽。游步仙庭。

棗左

楚大夫見姓望。

香車

新序。齊宣王爲巨室。蓋百畝。堂上三百戶。以齊國之大。三年不成。羣臣莫敢諫。香車問曰。荆王釋先王之禮樂而爲淫樂。敢問斯邦爲有主乎。王曰爲無主。敢問荆邦爲

有臣乎。王曰爲無臣。車曰。今王爲巨室。三年不成。而羣臣莫敢諫。敢問爲有臣乎。王曰爲無臣。車曰。臣請避矣。疾趨而出。王曰。香子留。何諫寡人之晚也。遽召尚書曰。書之寡人好爲巨室。香車止之也。又漢有香隆。見印數。

蔘清

永福人。宣德舉人。

涼茂

字伯方。昌邑人。少好學。議論常依名節。曹操辟爲司空掾。補侍御史。時泰山多盜賊。以茂爲太守。旬日之間。襁負而至者千餘衆。公孫度在遼東。擅留茂。終不爲屈。文帝在東宮。茂爲太子太傅。甚禮重之。

芳乘

漢幽州太守。又芳丹。光武時據新豐。後降

漢。

奇姓通卷三終

奇姓通卷四

下平下

堂衣若

行巡

藏凝之

羌仁寅

將繼周

蒼英

襄楷

恇義

倉葛

傷企本

強練

琅過

昌容

相雲

槍傅

良霄

彊華

萇弘

棠无咎

皇士

翔季高

狂狡

榮駕馭

訇琦

生用和

昇元中

衡岳

爭不識

泠至

輕子玉

城渾

名初

管伯

平當

卿仲遠

徵崇

征僑

羸咨

閔天

聲伯

明僧紹

登恒

坑應奎

呈紳

京房

伶徵

星吉

銚守

經濟

冥都

刑穆

青莽

葉廣

零混

靈姑浮

清賢

寧越

稱忠

縉賀

曾葳

憑祥興

弘演

興渠

朋水

承宮

乘興

崩愈堅

嫪毒

緱進筠

聚籌

州綽

犹道明

培生

郝頡

郵無正

牟長

投調

疇無餘

攸邁

彪倏

修肅

不準

油鳳

勾井彊

罟夜張

舟之僑

謳陽

秋胡

猷康

歐寶

優施

璆瑜

繇敘

騶衍

稠雕

求仲

由余

表牧仲

句卑

傻堙

琴張

吟約

禽息

斟尚

諶仲

箴莊

尋曾

侵恭

陰興

柳寶

黔如

鍼季

鐔顯

鄴肸

欽德載

臨孝存

弇桐弔

南文子

聃季

三庸道

垣護之

嵐闖

曇橘州

郟子

苦夷

劓般

鈺朴翁

閻沒

鹽津

粘燦

瞻思

兼尉丁

羶求

咸冀

潛說友

閔亨

廉垣

織阿

函熙

奇姓通卷四

下平下

江陰夏樹芳茂卿輯

華亭陳繼儒仲醇校

堂衣若

韓詩外傳。堂衣若扣孔子之門曰。丘在乎。丘在乎。子貢應之曰。子何言師之名。堂衣若曰。子何年少言之絞。子貢曰。大車不絞。

則不成其任。琴瑟不絞。則不成其音。子之言絞。是以絞之也。

行巡

平襄人。隗囂將。見光武紀。

藏凝之

南北朝人。學涉有當世才。與司空徐湛之為異常交。年少時。與傅僧祐俱以通家子

始為文帝所引見。時宋武帝與何尚之論鑄錢事。凝之便於其語。次上因回與語。僧祐引凝之衣令止。凝之大言曰。明主當再遇。便應政盡所懷。上與往復十餘反。凝之辭韻詮序。上甚賞焉。後為尚書左丞。

羌仁寅

衡陽人。永平中。任交趾建平推官。

將繼周

字世修。青田人。七歲賦牧童詩。有回首一聲。笛斜陽遮半山之句。登紹興進士。廷對論事剴切。孝宗獎諭曰。卿文大似陸贄。自是擢居言路。知無不言。上親札褒異。有盡公無私之語。歷諫議大夫。御史中丞。有諫稿十卷。臺評二卷。經筵講議五卷。禮記大

義百篇。雜文五卷。

蒼英

漢江夏太守。八凱蒼舒之後。

襄楷

平原隰陰人。好學博古。善天文陰陽之術。桓帝時災異疊見。楷詣闕上書。引春秋雨雪霜雹。由刑罰急刻所致。願賜清問。極盡

奇始通卷四
所言不聽。

所
怵義

永樂中有怵義怵宗皆充衛千戶。

倉葛

左傳倉葛陽樊人諫王勿以陽樊賜晉又
三國有倉慈魏燉煌太守抑挫權右撫卹
貧羸既去吏民懷感圖畫其形。

傍企本

北地羌豪。

強練

南北朝人容貌偉長神情傲悅意欲有所
說逢人輒言若值其不欲言縱苦加祈請
不相酬答初聞其言畧不解事過往有
奇驗嘗告乞市人往往以米麥遺之鍊張

奇始通卷四
四
囊受之。隨即漏之於地。人或問之。但欲使諸人領畧。一見成空耳。後莫知其所終。

琅過

周時爲齊大夫。

昌容

漢常山道人。自稱殷上女。食蓬蘽根。往來上下。見之者二百餘年。而顏色如二十許。

人能致紫草賣與染家。得錢以遺孤寡。歷世而然。奉祠者萬計。讚曰。殷女忘榮。曾無遺戀。怡我柔顏。改華標倩。心與化遷。目與氣練。坐卧奇貨。惠及孤賤。

相雲

相音湘。馮翊人。後秦姚興好游田。頗損農要。相雲作德獵賦以諷焉。興覽而善之。賜

以金帛。

槍傳

後漢人槍。七羊切。

良霄

左傳。子產鑄刑書之歲。二月。或夢伯有介而行。曰。壬子。余將殺帶也。明年壬寅。余又將殺段也。果而駟帶卒。公孫段卒。國人愈

懼。子產立公孫洩。良止以撫之。乃止。子產曰。鬼有所歸。乃不爲厲。吾爲之歸也。及子產適晉。趙景子問焉。曰。伯有猶能爲鬼乎。曰。能。人生始化。曰魄。旣生魄。陽曰魂。用物精多。則魂魄彊。是以有精爽。至於神明。况良霄。我先君穆公之胄。子良之孫。子耳之子。敝邑之卿。從政三世矣。鄭雖無腆。抑諺

古始通卷四
六
曰。叢爾國而三世執其政柄。其用物也弘矣。其取精也多矣。其族又大。所馮厚矣。而疆歿能爲鬼。不亦宜乎。又漢有良賀。長秋長。清儉謹厚。忠於爲國。詔舉武猛。賀獨無所薦。帝問其故。對曰。昔衛鞅因景監以見。有識知其不終。今得臣舉者。匪榮伊辱。固辭之。

疆華

光武在長安時。同舍生疆華自關中奉赤伏符於帝。曰。劉秀發兵捕不道。四夷雲集。龍鬪野。四七之際。火爲主。

萇弘

呂覽。晉襄公使人於周。曰。弊邑寡君寢疾。卜以守龜。曰。三塗爲祟。弊邑寡君使下臣

古如通 卷四
願藉塗而祈福焉。天子許之。朝禮使者事畢。客出。長弘謂劉康公曰。夫祈福於三塗而受禮於天子。此柔嘉之事也。而客武色。殆有他事。願公備之也。劉康公乃做戎車。卒士以待之。晉果使祭事先。因令楊子將卒十一萬而隨之。涉於棘津。襲聊。阮。梁。蠻氏。滅三國焉。又五代史有長從簡爲許州

節度使。從簡好食人肉。所至多潛捕民間小兒以食。許州富人。有玉帶。欲之而不可得。遣二卒夜入其家。殺而取之。卒夜踰垣。隱木間。見其夫婦相待如賓。二卒歎曰。我公欲奪其寶而害斯人。吾必不免。因躍出而告之。使其速以帶獻。遂踰垣而去。不知所之。從簡不足言。二卒真奇士也。

古如通 卷四
崇无咎

左傳崇无咎。齊大夫。詳在盧蒲癸傳。

皇士

管子。齊桓公出於澤。見衣紫衣。大如轂。長如轅。拱手而立。還歸寢疾。數月不出。有皇士者。見公語。驚曰。物惡能傷公。公自傷也。此所謂澤神委蛇者也。惟霸王乃得見之。

於是桓公欣然笑。不終日而病愈。又南北朝皇侃。明三禮。孝經論語。撰禮記講疏五十卷。書成奏上。梁武帝嘉之。加員外散騎常侍。

翔季高

宋人號羽軒。工詩。送客詩有大江中夜滿。雙櫓半空鳴之句。

狂狡

宋大夫又莊子有狂屈論道於狐闕之上。若中欲言而忘其所欲言。

榮駕馭

左傳昭公薨於乾侯喪歸及葬季孫使役如鬪公氏將溝焉榮駕馭曰生不能事死又離之以自旌也縱子忍之後必或恥之

乃止季孫問於榮駕馭曰吾欲爲君謚使子孫知之對曰生弗能事死又惡之以自信也將焉用之乃止又家語孔子至泰山見榮啓期行年九十游乎郕之野鹿裘帶索鼓琴而歌淮南子曰榮啓期一彈而孔子三日樂感於和

訶琦

三國時人。

生用和

蓬萊人。洪武中桐鄉知縣。經營草昧。得其領要。民皆樂之。又漢有生臨。見印藪。

昇元中

宋人撰海外使臣程記三卷。

衡岳

字世瞻。河南人。正統初爲桂林知府。已爲潮州府同知。約已惠民。自常祿外。饋遺一無所取。已轉西安知府。清操善政。如在潮時。永樂十年。以言事忤旨。謫戍交趾。後以御史袁錠等交章薦用。起爲南城令。改新豐令。祿薄不足用。嘗於官舍種菜以自給。岳沒後二十年。刑部尚書何喬新表其墓。

曰廉吏。人咸以為實錄云。何奇濟表。以自命。爭不識。

漢人又有爭。同見印數。

泠至

秦大夫穆公使報晉惠公。又漢有泠耳泠廣。俱功臣。一為下相侯。一為駟望侯。

輕子玉

禹七大夫中人見鬻子。

城渾

國策。城渾出周。三人偶行。南游於楚。至於新城。城渾說其令曰。鄭魏者。楚之與國。而秦楚之強敵也。鄭魏之弱。而楚以上梁應之。宜陽之大也。楚以弱新城圍之。蒲坂平陽。相去百里。秦人一夜而襲之。安邑不知。

新城上梁相去五百里。秦人一夜而襲之。上梁亦不知也。今邊邑之所恃者。非江南泗上也。楚王何不以新城為主郡也。邊邑甚利之。新城公大說。乃為具駟馬乘車五百金之楚。城渾得之。遂南交於楚。楚王果以新城為主郡。

名初

唐人撰公侯政術十卷。

營伯

武王卿士。國朝有營世寶。知真州。以能吏稱。

平當

漢平當。字子思。以明經歷官為丞相。哀帝即位。遣使召欲封當關內侯。當稱病篤。不

古如通卷四
應召。室家或謂當不可強起。受侯印。爲子孫耶。當曰。吾居大位。已負素餐之責矣。起受侯印。還卧而歿。歿有餘臯。今不起者。所以爲子孫也。遂上書乞骸骨。後月餘卒。子晏亦以明經爲大司徒。封防鄉侯。國朝有平安。洪武末。帥守定州。練甲繕城。將士以身許國。高皇詔諭。隱然有北門鎖鑰。

之功。及靖難。師起。安督兵禦之。白溝河大戰。凡數十陣。太宗親至。安戰益力。及北兵敗走。安急追之。因馬仆被執。帳下欲用之。安曰。有歿而已。太宗義而釋之。天下旣定。安遂飲鴆而歿。

卿仲遠

漢有卿仲遠。見黃香傳。唐貞元進士有卿

侃。國朝有卿惟賢。爲蓬州學正。剛介不阿。

徵崇

三國時率更令。河南人。

征僑

司馬相如大人賦曰。斯征伯僑而役羨門。今詔岐伯使上方。顏師古注。古仙人姓征。

名伯僑。又宋人征集好蓄書。能詩。有子五人。曰復。曰賁。皇祐嘉祐間相繼登進士。王安石表其墓曰。淮南有道。則其人可知也。

羸咨

漢人。八及之一。秦之後也。

閔天

人物考。文王之爲西伯也。詢於八虞。咨於

二號。度於闕天。諏於蔡原。訪於辛尹。又西伯囚於羑里。闕天之徒患之。求有莘氏美女。驪戎之文馬。有熊九駟。托嬖臣費仲以獻之。紂乃大悅。遂釋西伯。

聲伯

春秋時人。又有聲歸生。

明僧紹

字承烈。明經。隱居。聚徒立學。宋累辟不就。南齊高帝欲往見。僧紹避之。帝遣人賜以竹根如意。及筍籜冠。子山賓。字孝若。

登恒

成陽門尹。列子湯得其司御門尹登恒爲之傳之。

坑應奎

安肅人。正德中桐城主簿。又嘉靖中進士。有坑進良。福建人。

呈紳

漢人。見印藪。

京房

漢書。京房。字君明。師焦延壽。學易甚精。尤長於災變占驗。以孝廉爲郎。元帝時。日食

陰霧。房數上疏指陳時政得失。石顯五鹿充宗嫉之。出爲魏郡太守。卒爲所中。下獄。歿。房本姓李。推律自定爲京氏。又漢有京相著春秋土地名三卷。

伶徵

漢顯宗紀。伶徵護羌校尉。

星吉

古如通 卷四
元人字吉甫。累官江西行臺御史大夫。克持風裁。賊據州縣。星吉屢破之。既而中流矢昏仆。既蘇。不食而死。星吉公廉明潔。能以忠義感激人心。故能以少擊衆云。

餅守

漢太子太傅。見風俗通。

經濟

國朝濠州人。爲鄉里耆老。初車駕入濠陽。濟等方宴。聖祖謂曰。諸父老皆吾故人。豈不欲朝夕相見。然吾不得久留此。父老歸。宜教導子弟爲善。立身孝弟。勤儉養生。父老等亦宜厚自愛。以樂高年。濟等頓首謝。皆歡醉而去。又晉大元中有經曠。出還冤記。

冥都

泰山人。漢丞相史。治公羊春秋。疏廣弟子。

刑穆

漢大司徒。國朝有刑惟一。合水人。景泰

間長汀知縣。

青莽

趙襄子遊至於梁。馬却不進。青莽爲參乘。

襄子曰。進視梁下。類有人。青莽進視梁下。豫讓却寢。佯爲死人。叱青莽曰。去。長者且有事。青莽曰。少而與子友。子且爲大事。而吾言之。是失相與友之道。子將賊吾君。而不言。是失爲人臣之道。如我者。惟死爲可。適乃退而自殺。又國朝有青文盛。洪武中龍陽縣典史。時邑民負租三萬餘石。文

盛詣闕請免章。三上不報。自縊於登聞鼓下。上令官覈實。詔蠲之。仍以一千三百為額。民德之。因立祠祀焉。又有青牛。見潛夫論。

葉廣

葉音行。漢人。見印藪。

零混

安定人。成化舉人。韶州府學訓導。

靈姑浮

左傳。越大夫靈姑浮以戈擊闔廬。闔廬傷將指。取其一屨。還卒於陘。去攜李七里。夫差使人立於庭。苟出入。必謂已。曰。夫差而忘。越王之殺而父乎。則對曰。唯不敢忘。三年。乃報越。又漢書靈常。高帝十二年。以荆

令尹從擊鍾離昧。及利幾英布有功。封陽羨侯。

清賢

宋端平進士。遂寧人。

寧越

趙人與蘇秦之徒為六國謀士。又寧國。楚臣勸莊王伐陳克之。

稱忠

功臣表稱忠以捕得反者樊竝。封新山侯。

繒賀

漢書繒賀封祁穀侯。以執盾漢王三年。初起從晉陽。以連敖擊項籍。漢王敗走。賀擊楚迫騎。以故不得進。漢王顧謂賀祁王戰彭城。斬項籍。惡絕延璧侯千四百戶。師

古曰爭惡地名。

曾蒧

蒧音點。

憑祥興

唐憑祥興。雩都人。曉智略。與二弟英武尚義。黃巢之亂。傾貲募兵。勤王累功。封上將軍。

弘演

衛懿公有臣曰弘演。遠使未還。狄人攻衛。追懿公於榮。降殺之。盡食其肉。獨舍其肝。弘演至報使於肝。畢呼天而號。盡哀而止。曰。臣請為禠。因自刺其腹。納懿公之肝而歿。桓公聞之曰。衛之亾也。以為無道也。今有臣若此。不可以不存。於是復立衛於楚。

丘。

興渠

漢濟陰王謁者。後以功封高望亭侯。

朋水

宋永嘉人。淳祐間安遠知縣。又朋山。仙游

人。淳祐間德化知縣。

承宮

字少子。八歲為人牧猪。過學舍。棄猪聽講。後為大儒。永平中為博士。遷中郎。名播匈奴。北單于來求見。宮貌醜。以魏應代之。

乘輿

漢湖中三老。上書訟王尊治京兆功。

崩愈堅

本朝潛山人。正德中固始縣丞。萬曆間有

奇如通卷四
伏羌典史崩可立泰和人。

嫪毐

史記嫪毐封長信侯。予之山陽地。令毐居之。宮室車馬衣服苑囿馳獵恣毐。事無大小。皆決於毐。又以河西太原郡爲毐國。索隱曰。嫪姓。毐字。嫪毐音劉靄。

緱進筠

南唐汀州刺史。又漢書陳留女子緱王爲父報仇。殺夫氏之黨。吏執王以告。外黃令欲論殺。申屠蟠時年十五。爲諸生。進諫曰。王之節義。足以感無恥之孫。激忍辱之子。不遭明時。尚當表旌廬墓。况在清聽而不加哀矜。令善其言。乃爲讞得減死論。

聚籌

晉人令晉陽聚音鄒。

州綽

晉勇士奔齊。莊公指綽郭最曰。是寡人之雄也。州綽曰。君以爲雄。誰敢不雄。平陰之役。先二子鳴。二子者。譬於禽獸。臣食其肉。而寢處其皮矣。

猶道明

宋嘉熙進士。邛州人。

培生

史記。梁王使客刺袁盎。袁盎心不樂。家又多怪。乃之培生所問占。文穎曰。培音陪。秦時賢士善術者。韋昭云。培姓也。培一作培。名培。塑。

鄒頡

南北朝遼西太守。又郗椿。揚州刺史。

郵無正

國語。趙簡子使尹鐸爲晉陽。曰。必墮其壘。培。吾將往焉。若見壘培。是見寅與吉射也。尹鐸往而增之。簡子如晉陽。見壘。怒曰。必殺鐸也。而後入。郵無正諫曰。夫尹鐸曰。思樂而喜。思難而懼。人之道也。委土可以爲

師保。吾何爲不增。庶曰。可以鑑而鳩趙宗乎。簡子悅曰。微子吾幾不爲人矣。以免難之賞。賞尹鐸。又漢有郵長倩。公孫弘故人。著西京襍記。

牟長

漢書。牟長。字君高。習歐陽尚書。建武中爲博士。後爲河內太守。在郡時。諸生講業。嘗

千餘人。前後多至萬餘。著尚書章句。皆本之歐陽氏。又國朝有牟斌。字益之。起旗校。累官錦衣衛指揮使。掌北鎮撫司事。忤瑾。廷杖革職。瑾誅復任鎮撫。又忤張雄。安置武昌卒。斌剛直忠毅。兩遭奇禍。怡怡若分固然。崔文敏稱正德中全臣節者。斌同於劉傳二公也。

投調

漢光祿卿。

疇無餘

左傳。越子代吳。為二隊。疇無餘。謳陽自南方先及郊。吳太子友。王子地。王孫彌庸。壽於姚。自泓上觀之。彌庸見姑蔑之旗。曰。吾父之旗也。不可以見讐而弗殺也。太子曰。

戰而不克。將亾國。請待之。彌庸不可。屬徒
五千。王子地助之。乙酉戰。彌庸獲疇無餘。
地獲謳陽。越子至。王子地守。丙戌復戰。大
敗吳師。獲太子友。王孫彌庸壽於姚。丁亥
入吳。

攸邁

北燕人。

彪僖

國語。獻子合諸侯之大夫於狄泉。尋盟。城
成周。獻子南面。衛彪僖曰。荀子必有大陸。
於位以令諸侯。非其任也。既歸。獻子田於
大陸。焚而歿。又宋有彪虎臣。湘鄉人。從胡
文定公。父子游。講明正學。不事進取。子居
正。充嶽麓山長。人稱之爲彪夫子云。

修肅

晉廬陵人。為典書令。懷帝始立。為皇太弟。懼不敢當。肅曰。儲副之重。宜歸時望。親賢之舉。非大王而誰。宜及時登儲副。以允黔首喁喁之望。帝曰。卿。吾之宋昌也。從之。

不准

不音。於秦襄王冢得竹簡小篆古書十

餘萬言。藏於秘府。

油鳳

陵川人。洪武中舉人。知交趾諒江州。

勾井疆

孔子弟子。三國有勾延慶。注錦里耆仙傳。八卷。又宋有勾濤。知潭州。秦檜嘗令人諭意。欲與共政。濤作書辭謝。即上書論時事。

奇如通卷四
二十九
七六〇六五、四七
之害政者有五。高宗歎其忠。楊升庵集云。勾井疆。其後有勾景延。後唐時入蜀爲著姓。建炎中避高宗嫌名。或加金字。鈞光祖是也。或加絲者。紉紡是也。或加草者。苟諶是也。增爲勾龍者。如雙姓勾龍如淵是也。改爲句者。句思是也。皆奇姓。

罌夜張

漢人見印藪。

舟之僑

國語。虢公夢在廟。有神人面。白毛虎爪。執鉞立於西阿。公懼而走。神曰無走。帝命曰。使晉襲於爾門。公拜稽首覺。召史嚚占之。且使國人賀夢。舟之僑曰。衆謂虢亾不久。吾乃今知之。吾聞之曰。大國道。小國襲焉。

曰服小國敖大國襲焉。曰誅民疾君之侈也。是以逆命。今喜其夢。侈心展。是天奪之。鑒而益其疾。民疾其態。天又誑之。宗國既卑。諸侯遠矣。其誰云救之。遂以其族行。適晉六年。虢乃亾。

謳陽

越大夫。

秋胡

魯人納妻五日。往仕於陳。五年始歸。路逢美婦採桑。故下車曰。力田不如見少年。採桑不如見貴郎。吾有黃金。願與子也。答曰。田蠶紡績。奉事公姑。何待他人之金乎。婦不顧。胡歸。母呼其妻。乃採桑婦也。婦曰。見婦棄金而忘其母。大不孝也。任君別娶。妾

亦不嫁。乃投河而死。國朝有秋逢慶。遂

寧知縣。嚴於馭吏。門禁肅然。猷也。猷曰。復

田。猷康。未事公。故何者。出入之金乎。猷

漢隴西人。貴。漢。吾。亦。黃金。願。與。子。也。谷。曰。

歐寶。對。下。車。曰。六。田。不。收。見。少。主。務。

漢安城人。居父喪。鄰人格虎。虎投其廬中。

寶以孃衣覆之。隣人問寶。寶曰。虎豈可舍

而藏之乎。後虎每月送鹿以助祭。時人以

為孝格禽獸。

優施

左傳。里克謂平鄭曰。難將作矣。優施告我。

君謀成矣。將立奚齊。按。姓譜。優孟。楚人也。

子孫因以為氏。

瑯瑜

詩。生。通。卷。四。三。十一。七。二。〇。六。十一。八。

龍南人。宋通賢縣知縣。

千絲敘

漢書。絲敘著兵形勢二篇。又漢郅鄲傳有
繇延見潛夫論。

騶衍

齊人。著書十餘萬言。名重於齊。適梁。惠王
郊迎。執賓主之禮。如燕。昭王擁篲先驅。請

為弟子。又有騶忌。騶奭。號三騶子。

稠雕

功臣表。稠雕以匈奴大當戶。與渾邪降。封
常樂侯。師古曰。當戶。匈奴官名也。

求仲

漢隱士。與羊仲皆以治車為業。挫廉逃名。
蔣元卿舍中。竹下開三徑。二人嘗從之游。

時稱二仲。見稽康高士傳。二人嘗於之。

美。由余羊中皆以成車為業。終樂遊。

著兵法六篇。秦穆公用其謀。拓地千里。遂

霸西戎。又漢有由廣國。平康相。見急就章。

表牧仲

孟獻子友。又宋有表仲容。慶曆中卦骨肉

飼母。弟仲莊亦將卦之。聞兄已進。乃止。母

病颯愈。時有祥雲覆其家。

句卑

句。音鈞。左傳。魯定公四年。楚左司馬戌及

息而還。敗吳師於雍澁。傷初司馬。臣闔閭

故恥為禽焉。謂其臣曰。誰能免吾首。句卑

曰。臣賤。可乎。司馬曰。我實失子。可哉。三戰

皆傷。曰。吾不可用也。已。句卑布裳。劉而裹

之藏其身。而以其首免。又漢句扶。忠勇有
 戰捷功。封宕渠侯。曰安實。犬子百。若三。彈
 左傳。僂堙。齊莊公。嬖臣。與賈舉。州綽。邴師
 公孫敖。封具。鐸父。襄伊。同。歿於。崔子之難。
 皆齊勇力之臣。

琴張

左傳。琴張聞宗魯歿。將往弔之。仲尼曰。齊
 豹之盜。而孟縶之賊。女何弔焉。君子不食
 姦。不受亂。不為利。疚於回。不以回待人。不
 蓋。不義。不犯。非禮。

吟約

唐嘉州刺史。

禽息

秦大夫薦百里奚不見納。繆公出當車以頭擊闐腦。乃精出曰。臣生無補於國。不如死也。繆公感悟而用百里奚。秦遂以霸。又高士傳有禽慶不事莽。與向長子夏同游五嶽名山不知所終。

斟尚

漢四門博士下邳人。

諶仲

字文疊。南昌人有德行。和帝朝郡舉有道。仕至荊州刺史。國朝有諶賤生。洪武中以薦起。為四川按察司僉事。列名章善錄。

箴莊

衛大夫。楚大夫箴尹克黃之後。

尋曾

晉尋曾。字子真。東海王屬。國朝尋适。洪武初爲廣西按察使。廉謹清恪。風節凝峻。聽訟剖決如流。民無有稱冤者。公餘以吟詠自適。

侵恭

三輔決錄。

陰興

漢陰興。光烈皇后母弟也。建武二年爲黃門侍郎。帝欲封之。置印於前。興固讓曰。臣未有先登陷陣之功。而托屬掖庭。冒承爵土。不可以示天下。十九年。帝復召興。欲以代吳漢爲大司馬。興叩頭流涕。固讓曰。臣不敢惜身。誠恐虧損聖德。帝從之。國朝有陰秉衡。字振平。隱居潦國。作文翰樓貯

書千卷。惓惓於異端邪正之辯。嘗參酌朱子家禮。爲陰氏慎終錄。及婚姻節要。鄉人呼之曰陰孟子。

柳寶

晉柳寶。中牟令。世代江夏。見周侃傳。又唐人柳霽。撰秘苑狀。啓四卷。

黔如

呂覽黃帝使黔如爲慮首。慮算也。又漢書黔婁。齊隱士。守道不詘。威王下之。著黔婁子四篇。又漢黔陵。斬龐萌首歸漢。

鍼季

左傳。成季聞叔牙欲立慶父。乃矯君命。使人命叔牙待命於魯。大夫鍼巫氏使鍼季酖之。

奇姓通 卷四
三十八 敬
鐔顯

漢安帝時豫州刺史與廣漢太守陳寵結
爲腹心訟聽日減時天下饑荒競爲盜賊
州界收捕且萬餘人顯愍其困窮自陷刑
碎輒擅赦之因自劾奏鐔音尋又蜀漢有
太常卿鐔丞

鄒胙

周大夫左傳鄒胙伐虢大敗獲鄒胙注鄒
胙子朝之黨

欽德載

宋欽德載吳人仕爲都督計議官宋亾德
載不肯送降款元兵募生致其人議欲官
之德載裂其板授書卽遜隱碧巖山中自
號壽巖老人楊維禎作詩歌以弔之

臨孝存

漢臨孝存。北海人。博學知名。孔融以不及見爲恨。又隋有臨孝恭。知天文。善算術。高祖甚親遇之。所著欵器圖。銅儀經。九宮五墓。遯甲月令。元辰經。元辰厄。百怪書。祿命書。九宮龜經。太一式經。孔子馬頭易卜書。共十一種。皆行於世。

弇罔弔

神農時人。見莊子。

南文子

衛大夫。昔智伯欲伐衛。乃遺以野馬四。白璧一。衛君悅。羣臣皆賀。獨文子有憂色。曰。無功之賞。無力之禮。不可不察也。衛君以其言告邊境。智伯果起兵而襲衛。至境而

反曰。衛有賢人。先知吾謀也。

聃季

唐人見風俗通。

三庸道

應州人。正統中。祁門縣丞。又三成志。正統中。江陰利港巡檢。桃源人。

垣護之

南北朝。垣護之。字彥琮。少倜儻。氣幹強果。仕宋爲殿中將軍。累遷鍾離太守。義宣反。護之率水兵大破賊將。封益陽侯。拜青冀二州刺史。卒謚壯侯。姪氏垣曇深。以行義稱。爲臨城縣罷歸。得錢十萬以買宅。奉兄退。無私蓄。

嵐闖

五代時人。

晏橘州

史彌遠之友。彌遠作致仕表云。蹉跎歲月。

七十有三。晏為屬對曰。補報乾坤。萬分無

一。

鄉子

魯人仲尼師之。

苦夷

魯大夫。左傳。齊國伐魯。陽虎御季桓子。公
斂處父御孟懿子。將宵軍齊師。齊師聞之。
墮伏而待之。處父曰。虎不圖禍而必死。苦
夷曰。虎陷二子於難。不待有司。余必殺女。
虎懼乃還。不敗。又苦穀。睂州人。宋宣和進
士。

劉般

宋大夫載楊升庵集

銛朴翁

宋人工詩。清明詩有花。薺懸燈柳。插簷之

句。銛音恬。

閻沒

閻敖。楚大夫。見左傳。又閻沒。魏舒屬大夫。

魏舒將受梗陽人女樂。閻沒女寬入諫。魏

子召之食。比至三歎。魏子問其故。答曰。願

以。小人之腹。為君子之心。屬饜而已。獻子

辭梗陽人。

鹽津

漢北海相。

粘燦

晉江人。正德間南京監察御史。

冀北瞻思

元人。泰定初以遺逸徵至。尋辭歸。後召拜翰林供奉。邃於經學。凡天文地理。鐘律算數。水利外國諸書。皆極究之。所著有四書闕疑。五經思問。及碑銘傳記等文。谷曰。願

兼尉丁

宋元祐中興寧知縣。又宋有兼至誠。大觀初。奉旨進所画山水。意匠精深。筆法蒼古。特補將仕郎。

擅求

宜陽人。永樂十五年。任廣西右參議。又擅徽。渭南人。景泰中湖廣慈利縣知縣。

咸冀

開元十八學士之一。圖形含象亭。

潛說友

宋安撫使。縉雲人。又國朝潛溟。字彥鴻。

永樂間御史。成祖遣使北平。命以十事。

既還。詔問對無遺。上器之。事有難決者。

輒曰。付虎眼御史。謂溟也。

宋元閔亨

晉懷帝時。志願驕盈。遠西亨。以書固諫。殺之。

廉坦

唐相成人。進兵破蘭道。嗣歿。節又宋朝廉復。章丘人。有隱德。治平間。詔舉遺逸。刺史王才叔薦之。不起。李格非爲墓銘。

織阿

史記陽子驂乘。織阿爲御。郭璞云。織阿。古之善御者。心不致。李益詩。非爲墓。並。

身黃函熙。有劉。台平。閭。隨。舉。豈。後。陳。史。

漢豫章太守。兵。如。蘭。黃。阿。水。增。又。宋。陳。史。

兼世

奇姓通卷四終

翻。益。戲。西。京。以。青。固。始。終。

